



**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Articvlvs V. Vtrum Deus sit in aliquo genere. artic. 5.

---

[urn:nbn:de:hbz:466:1-73915](#)

## 54 Quæst. iii. Artic. vij. & viij. Disput. j.

*Ad octauum.*

Ad octauum dicimus, rem esse in potentia passiuam ad esse essentiam, pertinere ad conditionem diuinu-  
mentem, ut hominem p̄itum, quo pacto materia embryonis, quæ est in potentia passiuam ad esse homi-  
nis per aduentum animæ rationalis, non est simpli-  
citer homo, sed cum additamento, & secundum  
quid, nimirum homo potentia; at vero, essentiam esse  
in potentia ad existentiam non esse conditionem,  
qua veritati essentia derogare valeat: quare simpli-  
citer & sine additamento veram rationem essentia habere dicitur. Si ergo in antecedente sumatur esse  
in potentia hoc posteriori modo, negandum est ante-  
cedens: si vero priori modo, nihil ad rem: unde  
neganda erit consequentia.

*Ad nonum.*

Ad ultimum dicendum est, utramque formam tri-  
buere per se ipsam subiecto esse essentiam: attamen  
neutrā per se ipsam tribuere subiecto existentiam illius esse, nisi per existentiam superadditam.

### ARTICVLVS V.

*Vtrum Deus sit in genere aliquo.*

*Deus non ponitur in pre-dicamentis.*

**V**AESTIO hæc disputata à nobis est ad prædicamentum substantiæ, questione se-  
cunda. Conclusio, nempe quod Deus non  
sit sub genere aliquo, consonat maximè cum defi-  
nitione Ecclesiæ cap. Firmiter, de summa Trinitate  
& fide Catholica: vbi definitur, *Deum esse simplicem omniō*, ac proinde nullam admittere in se compo-  
sitionem, etiam ex genere & differentia.

*Nominalium opinio ab errore in fide excusat.*

Illud tamē admonebo, opinionem Nominalium  
afferentium Deum collocari sub genere, non esse  
condemnandam erroris circa fidem, quasi deroge-  
tūtæ simplicitati contradicatæ definitioni Eccle-  
siæ, si modò iuxta eorum mentem intelligatur. Cum  
enim nullam putent esse distinctionem ex natura  
rei inter genus & differentiam, neque admittant natu-  
ram aliquam communem, quæ apprehensio per  
intellectum genus fit aut species: res vero omnes  
apprehensas credat esse singulares, etiam postquam  
conceptibus communibus apprehenduntur, solūm-  
que dicant propter similitudinem repartam inter  
res alias singulares mente esformari conceptus  
communes, qui immediate res ipsas singulares si-  
gnificant, non vero naturam aliquam illis communi-  
nom, atque adeo censeant genera & species solum  
esse conceptus illos formales communes, non vero  
aliquid eidem conceptibus immediate significan-  
tum & apprehensum: nihil profectò sententia hæc  
diuine simplicitati derogat, neque definitioni Ec-  
clesiæ contradicit.

### ARTICVLVS VI.

*Vtrum in Deo sint aliqua accidentia.*

*Deo accidentis repugnat.*

**D**EUS accidentis esse non posse, est de fi-  
de. Probatur, quoniam si in eo accidentis  
esse posset, vel illud adueniret ei de nouo,  
vel conueniret ei ex æternitate. Primum esse non  
posset sine Dei mutatione, ac vicissitudinis obum-  
bratione, contra illud Iacobii 1. *Apud quem non est transmutatio, neque vicissitudinis obumbratio.* Unde  
Leo primus epistola 91. cap. 2. aduerfus Præficiilianis,  
qui dicebant virtutes quasdam processisse ex  
Deo, quas habere cœperit, & quas essentiam diuina

A præcesserit, ita inquit, *Deum sicut mutabilem, ita & proficiens dicere, nefas est: quam enim mutatur, quod minuitur, tam mutatur etiam quod angerit.* Hæc Diuus Leo: Si vero derut secundum, vel haberet tale acci-  
dens ab alio, vel à se quasi fluens ab essentia: utro-  
que modo non esset sine mutatione æterna, qua ac-  
cidens illud acciperet esse, vel ab alio, vel ab essentia: utro-  
que Præterea daretur aliiquid in Deo propriæ  
effectum, atque aliquid reale, quod non esset ipse  
met Deus, comparatione cuius Deus se haberet vt  
vera potentia ad suum actum, qua omnia prima  
causæ simpliciter, qualis est Deus, atque diuinæ sim-  
plicitati repugnat. Lege Augustinum 5. de Trini-  
tate cap. 45. & 16. vbi ex immutabilitate Dei latè  
probat, in Deo nullum omnino accidens esse posse.

### ARTICVLVS VII.

*Vtrum Deus sit omnino simplex, sitq; id pro-  
prium Dei.*

### DISPUTATIO I.

**D**EUS simplicem esse omnino, est de fi-  
de, vt definitum est in Concilio Latera-  
nenſi 2. cap. Firmiter, & capite Darnina-  
mus, de summa Trinitate & fide Ca-  
tholica, & manifestum est ex articulis præcedentibus,  
in quibus ostensum est nullum genus com-  
positionis conuenire posse Deo, etiam cum re aliqua  
externa, cum qua tamquam cum actu aut potentia  
componatur. Dixi, *iamquam cum adū aut potentia:* quoniam de fide est unione hypotheticam huma-  
nitatis cum Verbo factam esse secundum composi-  
tionem, vt multis Conciliis est definitum, quæst. 3.  
parte, quæst. 2. ar. 4. attulimus. At vt ibidem ostendi-  
mus, docentque D. Thomas & alij Doctores, quos  
eo loco citauimus, propriè non est in Christo com-  
positio ex his, vt vocant, quasi Christus constitutus  
ex humanitate & Verbo tamquam ex partibus: sed  
est compositio huius cum hoc: hoc est, humanitatis  
cum Verbo, unde resultat hic homo, nimirum Christus  
Dominus, qui vnum per se est: componi vero  
Deum cum re aliqua, à qua actuatur, aut Deum  
actuare, ac informare aliquid aliud, ita vt ex utro-  
que resultet ens quoddam sive per se, sive per acci-  
dens, nulla ratione fieri potest: quoniam id esse non  
posset sine Dei mutatione, aut vicissitudinis obum-  
bratione, ac proinde sine imperfectione, quæ Deo  
omnino repugnat. Lege, si placet, apud D. Thomam  
hoc loco rationes alias non contempendas, quibus  
Deum simplicem esse omnino confirmat.

**D**EO autem esse omnino simplex sit proprium  
Dei ( quod hoc loco in responsione ad primum in-  
uit D. Thomas ) ex eo est manifestum, quia omne  
ens completum singulare constat intimè, saltem ge-  
nere & differentia. Genera vero suprema & partes,  
tam metaphysicæ quam physicæ, componuntur im-  
primis cum sua existentia, unde iuxta secundam  
opinionem articulo quarto disputatione 2. explicata-  
tam, resultat vnum per se in ratione entis existentis.  
Deinde genera suprema componuntur cum differen-  
tia, & differentia cum generibus, materia cum for-  
ma substanciali, & è contrario, ad intimam consti-  
tutionem vniuersi per se. Denique substantia omnes  
componuntur cum accidentibus, & accidentia cum  
substantiis tamquam actus cum potentis ad consti-  
tuendum saltem ens per accidentis. Quo fit, vt esse  
simplex omnino solius Dei proprium sit.

DISPV

*Deus sim-  
plex omnius.*

*In Christo  
qualis sit co-  
positio verbi  
cum huma-  
nitate.*

*Deo est pre-  
prium sim-  
plex esse  
omnino.*